

四庫全書

史部

欽定四庫全書

史部

大事記卷一至七

詳校官編修 臣 溫汝适

刑部郎中 臣 許兆椿覆勘

總校官進士 臣 朱鈐

校對官庶吉士 臣 王朝梧

謄錄監生 臣 王翰

欽定四庫全書

史部二

大事記

編年類

提要

臣等謹案大事記十二卷通釋三卷解題十二卷宋呂祖謙撰取司馬遷年表大事記之目編年系月以記春秋後事復採左氏傳歷代史皇極經世通鑑稽古錄輯而廣之始自周敬王三十九年迄漢武帝征和三年書法

皆視太史公所錄不盡用策書凡例其書作於淳熙七年每以一日排比一年之事本欲起春秋後迄於五代會以疾作而罷此蓋其未經卒業之本也祖謙於史學最長而謙不以筆削自任故每條之下各注從某書修云云以自附於述而不作之義至其通釋則如說經家之綱領專錄經典中要義格言以及歷代名儒議論其解題則如經之有傳畧具

本末而附以已見凡史漢同異及通鑑得失
皆為縷析而詳辨之又於典章制度名物象
數之旁見側出者並皆夾注句下使讀者得
推闡貫通以幾於由博返約之助其用心亦
為周至朱子與祖謙友善平日每譏其學之
稍雜而獨於大事記稱譽不置嘗謂其精密
為古今未有又謂解題煞有工夫只一句要
包括一段意思蓋祖謙此書去取詳畧實有

深意而議論正大於古今興衰治忽之理尤
多所發明觀其於慎覲王二年載魏襄王問
孟子事取蘇轍古史論以明之後朱子作孟
子集注時即引用其說則其深有取於是書
亦概可見矣惜其編輯未竟不為全書而義
例具存固非後來王禕增修之本所可及也
馬氏經籍考作通釋一卷此本乃宋嘉定壬
申刊行於吳郡學者所載通釋實分三卷亦

可以證通考之誤云乾隆四十年五月恭校

上

總纂官臣紀昀 臣陸錫熊 臣孫士毅

總校官臣陸費墀

欽定四庫全書

大事記卷一

宋 呂祖謙 撰

庚申周敬王

三十九年

魯哀公將十四年齊簡公壬午晉定公午三十一年秦

悼公十年楚惠王章公年宋景公頭曼三十六年衛

出公輒十二年陳湣公赴二十一年蔡成侯朔十年

鄭聲公勝二十年藏藏公十二年

吳王夫差十五年並史記年表

春魯人獲麟孔子作春秋

稽古錄

夏四月齊陳恒與闕止爭政殺止遂執簡公寘于舒州

以左氏傳

魯史修

五月庚申朔日有食之

魯史

宋向魍謀弑景公不克入于曹以叛

以魯史左傳修

莒郊公狂

薨

通鑑外紀

六月宋向魍自曹出奔衛

魯史

齊陳恒弑簡公于舒州立簡公弟驁而相之遂專國

權孔子沐浴朝魯哀公請討之不果從

以魯史史記年表論

語修

冬有星孛

魯史

魯饑

外紀

周敬王四十年

魯哀公十五年齊平公薨元年晉定公三十二年宋景公三十七年衛莊公薨

晴元年

夏五月齊高無平出奔北燕

魯史

秋晉趙鞅帥師伐衛

魯史

冬魯及齊平子服回如齊端木賜為介齊歸魯侵地

魯史

史左傳史記
年來修

閏十二月衛太子蒯聩自戚歸于衛衛出公輒出奔魯

以杜預釋

創左傳修

樊惑守心宋景公憂之司星子韋曰可移景公不可

以史

記年表

世家修

周敬王四十一年

魯哀公十六年楚惠王十年衛莊公二十二年陳湣公二十三年宋景公二十

年八

春二月衛公子還成出奔宋

魯史

夏四月孔子卒

以魯史左傳修

六月衛孔悝出奔宋

左傳

秋七月楚白公公孫勝殺令尹公子申司馬公子結執

楚子寘于高府

以左傳修

陳人侵楚

左傳

楚葉公沈諸梁率方城外入討公孫勝誅之迎楚子復

位

以左傳稽古錄
皇極經世修

衛太叔遺奔晉

以左傳修

周敬王四十二年

魯哀公十七年齊平公三年晉定公三十四年楚惠王十一年衛莊公三

年陳湣公二十四年吳王十八年

春衛太子疾殺渾良夫

稽古錄

三月越子伐吳吳子禦之笠澤吳師敗績

以左傳修

夏六月晉趙鞅圍衛齊國觀陳瓘救衛晉師還

以左傳修

秋七月己卯楚公孫朝帥師滅陳

以左傳修

冬十月晉趙鞅復伐衛衛人出莊公而與晉平晉立公

孫般師而還

以左傳修

十一月衛莊公歸于衛般師出石圃作亂莊公死于戎

州已氏衛人復公孫般師而立之

以左傳稽古錄修

十二月齊人伐衛立公子起執般師以歸

左傳

魯哀公會齊平公盟于蒙

以左傳修

甲子周敬王四十三年

魯哀公十八年齊平公四年秦悼公十四年楚惠王十二年宋

景公四十年
衛侯起元年

春宋殺右師皇瑗

以稽古錄修

楚公孫寧敗巴師于鄆

以稽古錄修

夏衛石圃逐其君起起奔齊

公自齊復歸逐石圃

以左傳修

齊陳恒殺鮑氏晏氏及公族之彊者割齊安平以東至

瑯琊為封邑

以史記世家修

秦悼公薨子厲共公立

以史記年表世家修

周敬王四十四年

秦厲共公元年楚惠王十三年衛出公後元年吳王二十年

春越人侵楚

左傳

夏楚公子慶公孫寬追越師不及

左傳

秋楚沈諸梁伐東夷三夷男女及楚師盟于敖

左傳

王崩太子仁嗣位是為元王

以左傳皇極經世修

吳伐楚

史記
年表

周元王元年

魯哀公二十年齊平公六年晉定公三十七年秦厲共公二年鄭聲公二十六年吳

王二十
一年

夏齊人魯人鄭人會于廩丘謀伐晉

以稽古錄
左傳修

冬吳子殺公子慶忌

以左
傳修

十一月越圍吳

左
傳

晉定公薨于出公錯立趙鞅降三年之喪為期

以史記
世家年

表
修

晉趙簡子卒

以左傳修

晉趙無恤滅代

以史記蘇氏古史修

蜀人聘秦

以史記年表修

晉荀瑶伐鄭取九邑

以史記世家修

周元王二年

魯哀公二十一年齊平公七年晉出公錯元年

夏五月越人聘魯始通使于上國

以左傳指古錄修

秋八月齊平公魯哀公邾桓公盟于顧

以左傳修

周元王三年

魯哀公二十二年齊平公八年晉出公二年楚惠王十六年宋景公四十四年吳王

夫差二
十二年

夏四月越人納邾隱公於邾邾桓公奔越

以左傳
古錄修

冬十一月丁卯越滅吳吳子夫差自殺

以左
傳修

越子會齊晉諸侯于徐州

以史記
世家
皇極經世修

越人致貢賜越子胥命為伯

以史記
世家修

越以江北地至泗上與楚以泗東地與魯歸吳所侵宋

地

以史記
世家修

越范蠡辭祿遊五湖

以皇極
經世修

越子殺大夫文種

以史記世家
皇極經世修

隕石于晉

外紀

周元王四年

魯哀公二十三年齊平公九年晉出公三年秦厲共公五年楚惠王十七年蔡成侯

十九年

夏六月晉荀瑶伐齊敗齊高無平於犁邱

以稽古
錄修

秋八月魯叔青如越越諸鞅聘魯

以左
傳修

蔡成侯薨子聲侯產立

以史記
世家修

楚人聘秦

以史記
年表修

周元王五年

魯哀公二十四年齊平公十年晉出公四年秦厲共公六年蔡聲侯元年

夏四月晉出公及魯臧石伐齊取廩丘

以左傳稽古錄修

越人執邾子以歸立公子何

以左傳修

魯哀公以公子荆之母為夫人以荆為太子

以左傳稽古錄修

閏四月魯哀公朝于越越將妻公季孫肥使因太宰嚭

納賂乃止

以杜預釋例左傳修

義渠聘秦

以史記年表修

杞公子闕路弑湣公自立

以世家修

周元王六年

宋景公四十七年
衛出公後七年

夏五月庚辰衛褚師比及諸大夫逐出公出公奔宋

左

傳指古
錄修

彗星見

以史記
年表修

周元王七年

魯哀公二十六年齊平公十二年晉出公
六年宋景公四十八年衛出公後八年

夏五月越臯如后庸宋樂蔑魯叔孫舒伐衛納出公越

人受賂不克納師還立莊公之弟黔實悼公

以左傳
指古錄

修

冬十月宋景公薨景公無子取元公曾庶孫得與啟畜

諸公宮大尹矯命立啓六卿逐啟及大尹而立得

以左

傳稽古
錄修

王崩太子介嗣位是為貞定

以史記本紀稽古
錄皇極經世修

晉荀瑶城宅陽

以水經
注修

周貞定王元年

魯哀公二十七年齊平公十三年晉出
公七年宋昭公得元年衛悼公黜元年

鄭聲公
十一年

春越子使后庸聘魯且言歸駘上之田於邾一月魯哀

公及越后庸盟于平陽

以左傳修

夏四月魯季康子卒

左傳

晉荀瑤帥師伐鄭次于桐丘齊陳恒帥師救之晉師乃

還

以左傳修

秋八月魯哀公將以越伐魯而去三桓甲戌出奔越魯

人立其子悼公寧

以左傳修古錄修

甲戌周貞定王二年

魯悼公寧元年

彗星見

史記年表

周貞定王三年

魯悼公二年

晉地震

以外紀修

周貞定王四年

燕獻公薨子孝公立

史記世家

周貞定王五年

晉出公十一年鄭聲公三十七年燕孝公元年

晉荀瑶趙無恤帥師圍鄭荀瑶恥趙無恤無恤由是甚

瑶

以左傳稽古錄修

周貞定王六年

晉出公十二年秦厲共公十四年楚惠王二十六年鄭聲公三十八年

晉人楚人聘秦

以史記
年表修

鄭聲公薨子哀公易立

以年
表修

晉河絕于扈

外紀

周貞定王七年

鄭哀公
易元年

周貞定王八年

秦厲共公
十六年

秦伐大荔取其王城

以史記
本紀修

杞哀公薨湣公子出公敕立

以世
家修

周貞定王九年

周貞定王十年

周貞定王十一年

魯悼公十年齊平公二十三年晉出公十七年

晉荀瑶與趙氏韓氏魏氏分范中行氏之地以為己邑

出公告齊魯欲伐四卿四卿反攻出公出公奔齊道

死荀瑶立昭公曾孫驕國事皆決於瑶

以史記世家稽古錄修

晉荀瑶滅夙縣

以外紀修

甲申周貞定王十二年

晉出公十八年蔡聲侯十五年

蔡聲侯薨子元侯立

以年表修

晉荀瑶襲衛

以古史戰國策修

卷一

晉三卿宴於藍臺荀瑶戲韓虎而侮韓氏之相段規

以猶

古錄修

晉河水赤三日

外紀

周貞定王十三年

齊平公二十五年晉哀公驕元年秦厲共公二十一年蔡元侯元年

晉取秦武城

以史記本紀修

齊平公薨子宣公積立田成子卒子盤立

以史記世家修

周貞定王十四年

齊宣公積元年鄭哀公八年

鄭人弑哀公立聲公之弟丑

世家

周貞定王十五年

鄭共公丑元年

周貞定王十六年

晉哀公四年齊宣公三年

晉荀瑶與魏駒韓虎圍趙無恤于晉陽無恤使其臣張

孟談約韓魏攻荀瑶滅之三分其地張孟談辭趙氏

耕於負親之邱

以史記年表世家修

齊田盤使其宗人盡為齊都邑大夫與三晉通使

以史記世

家修

晉趙氏使新稚狗伐狄取左人中人

以國語列
于外紀修

周貞定王十七年

晉哀公五年秦厲
共公二十五年

晉知開奔秦

以史記
年表修

周貞定王十八年

秦厲共公二十六年衛悼
公十八年蔡元侯六年

秦左庶長城南鄭

以年
表修

衛悼公薨子敬公弗立

以古史史
記世家修

蔡元侯薨于齊立

以世
家修

周貞定王十九年

衛敬公弗元年蔡侯齊
元年燕孝公十五年

燕孝公薨子成公立

以世
家修

周貞定王二十年

秦厲共公二十八年
燕成公元年

越人迎女於秦

以史記
年表修

杞出公薨子簡公春立

以世
家修

周貞定王二十一年

晉哀公九年秦厲
共公二十九年

晉知寬奔秦

以史記
年表修

甲午周貞定王二十二年

楚惠王四十二年
蔡侯齊四年

楚滅蔡

史記
年表

周貞定王二十三年

周貞定王二十四年

秦厲共公三十二年
楚惠王四十四年

楚滅杞

史記
年表

楚與秦平

史記
世家修

周貞定王二十五年

秦厲共公
三十三年

秦伐義渠執其君以歸

史記年表
皇極經世修

周貞定王二十六年

秦厲共公
三十四年

日有食之

史記
年表修

秦晝晦星見

以史記
年表修

秦厲共公薨子躁公立

以史記
本紀修

周貞定王二十七年

秦躁公
元年

周貞定王二十八年

秦躁公
二年

王崩長子去疾立是為哀王立二月弟叔弑哀王而自

立是為思王立五月弟嵬弑思王而自立是為考王

以史記
本紀修

考王封其弟揭於河南以續周公之職是為河南桓公

以稽古
錄修

秦南鄭反

以稽古
錄修

周考王元年

周考王二年

晉哀公
十八年

晉哀公薨于幽公抑立

以世
家修

周考王三年

甲辰周考王四年

晉幽公
抑元年

晉幽公反朝韓趙魏公室獨有絳曲沃餘皆入三晉

以史

記世
家修

周考王五年

周考王六年

秦躁公八年

六月秦雨雪

以史記
年表修

日有食之

以史記
年表修

周考王七年

燕成公十六年

燕成公薨于湣公立

以史記
世家修

周考王八年

秦躁公十年
燕湣公元年

彗星見

以秦始皇本紀秦記修

周考王九年

楚惠王五十七年衛敬公十九年

楚子薨于中立

以史記世家修

衛敬公薨于糾立是為昭公是時三晉強衛如小侯屬

之

以史記世家修

周考王十年

魯悼公三十七年楚簡王中元年衛昭公元年

楚滅莒

以史記年表修

魯悼公薨于元公嘉立

以史記世家稽古錄修

周考王十一年

魯元公嘉元
年秦躁公十三年

義渠伐秦侵至渭陽

史記
年表

周考王十二年

秦躁公
十四年

秦躁公薨弟懷公立

以史記秦
本紀修

周考王十三年

秦懷公元年
昔幽公十年

冬晉挑杏實

外紀

甲寅周考王十四年

魯元公四年
昔幽公十一年

晉幽公魯元公會于楚邱

以外
紀修

周考王十五年

衛昭公六年

王崩太子午嗣位是為威烈王

以史記本紀
皇極經世修

衛公子亶弑昭公代立實懷公

以史記
世家修

西周惠公封其少子班於鞏以奉王實東周惠公

以史
記本

紀索隱皇
極經世修

周威烈王元年

晉幽公十三年秦懷公四年衛
懷公亶元年鄭共公三十年

晉趙襄子卒以兄伯魯之孫獻子浣為後徙治中牟襄

子之弟桓子逐浣自立於代

以史記世家
皇極經世修

秦庶長毚弑懷公國人立其孫靈公

以史記本紀修

鄭共公薨于幽公已立

以史記世家修

晉韓康子卒于武子啟章立魏桓子卒于斯立

以史記年表世

家皇極經世修

周威烈王二年

晉幽公十四年秦靈公元年

晉趙桓子卒國人殺其子迎獻子復位

以史記世家皇極經世修

周威烈王三年

鄭幽公已元年

晉韓武子伐鄭殺幽公鄭人立其弟繻公駘

以史記世家修

周威烈王四年

秦靈公三年鄭
繆公貽元年

秦作上下時

史記
年表

周威烈王五年

周威烈王六年

晉幽公
十八年

盜弑晉幽公魏斯誅亂者立幽公之子烈公止

以史記
世家年

表稽古
錄修

周威烈王七年

晉烈公止元年
楚簡王十三年

晉魏氏城少梁

以史記
世家修

晉韓武子都平陽

以水經注修

楚伐晉南鄙

外紀

晉趙獻子城洺氏

以水經注修

周威烈王八年

晉烈公二年
秦靈公七年

秦與晉魏氏戰少梁

以史記年表世家修

越滅郟

外紀

甲子周威烈王九年

晉烈公三年
秦靈公八年

晉魏氏復城少梁

以年表修

秦城塹河瀕

年表

秦初以君甥妻河

年表

周威烈王十年

晉烈公四年

晉趙氏城平邑

以水經注修

周威烈王十一年

齊宣公四十一年晉烈公五年
秦靈公十年衛懷公十一年

秦城籍姑

年表

衛敬公之孫頽弑懷公而代之實慎公

以稽古錄史記世家修

秦靈公薨國人廢其子獻公而立其季父簡公

以稽古錄修

齊田公子居思伐晉趙氏鄙圖平邑

以水經注修

周威烈王十二年

秦簡公元年衛慎公頹元年

中山武公初立

年表

西周桓公薨子威公立

以外紀修

周威烈王十三年

齊宣公四十三年晉烈公七年秦簡公二年

齊田白伐晉毀黃城圍陽狐

以史記世家年表修

秦與晉戰敗鄭下

年表

晉河岸崩壅龍門至于底柱

以外紀修

周威烈王十四年

齊宣公四十四年晉烈公八年魯元公十九年

齊田白伐魯莒及安陽

以史記世家年表修

晉魏斯使其子擊圍繁龐出其民

以史記世家修

周威烈王十五年

齊宣公四十五年晉烈公九年魯元公二十年

齊田白伐魯取一城

以史記年表世家修

齊田莊子卒子和立

以史記世家皇極經世修

周威烈王十六年

齊宣公四十六年晉烈公十年魯元公二十一年

日有食之

以史記年表修

命晉韓啟章趙浣伐齊入長城

以外紀修

魯元公薨子穆公顯立

以史記世家修

齊田汾敗晉趙氏于平邑獲其將韓舉取平邑

以水經注修

周威烈王十七年

晉烈公十一年秦簡公六年魯穆公顯元年

魯穆公尊事孔伋以公儀休為相泄柳申詳為臣然終

不能用

以孟子前漢董仲舒傳古史修

孔伋作中庸

以史記世家修

秦初令吏帶劔

年表

晉魏斯伐秦築臨晉九里

以史記世家修

晉韓武子卒子虔立趙獻子卒子籍立

以世家修

周威烈王十八年

齊宣公四十八年晉烈公十二年秦簡公七年楚簡王二十四年魯穆公

二年鄭繻公十五年

晉魏斯伐宋遂使樂羊伐中山克之使其子擊守中山

其後中山復國

以史記世家列傳稽古錄修

秦塹洛城重泉

年表

齊田和伐魯取成

以史記世家稽古錄修

秦初租禾

年表

晉魏斯伐秦至鄭而還築雒陰合陽

以世家修

楚子薨子當立

以史記年表世家修

晉韓虔伐鄭取雍丘

以年表修

鄭城京

年表

甲戌周威烈王十九年

齊宣公四十九年晉烈公十三年楚聲王當元年衛慎公八年

鄭繻公

十六年

鄭伐晉韓氏敗韓兵取負黍

以史記世家稽古錄皇極經世修

齊宣公與鄭繻公會于西城

以世
家修

齊田和伐衛取毋丘

以世
家修

晉魏斯好賢師卜商友段干木敬田子方用吳起為西

河守李悝為上地守西門豹為鄴令魏由是強於三

晉

以史記稽古錄說苑
皇極經世外紀修

魏李悝作盡地力之教及平糴法入著法經六篇其後

公孫鞅受之以相秦

以前漢志
晉志修

周威烈王二十年

周威烈王二十一年

齊宣公五十一年
晉烈公十五年

晉魏氏以公孫成為相

以史記年
表說苑修

齊宣公薨子康公貸立

以史記
世家修

齊田會以廩丘叛田氏

以史記年
表世家修

晉趙氏以公仲連為相

以年表世家
皇極經世修

周威烈王二十二年

齊康公貸元年
昭公四十七年

宋昭公薨子悼公購由立

以世家
修

大事記卷一

欽定四庫全書

大事記卷二

宋 呂祖謙 撰

周威烈王二十三年

魏文侯斯二十二年韓景侯虔六年趙烈侯籍六年楚聲王五年燕

閔公三十一年宋悼公購由元年

九鼎震

本紀年表

初命晉大夫魏斯趙籍韓虔為諸侯

通鑑

燕閔公薨子釐公立

以世家修

楚聲王圍宋十月罷

以呂氏春秋修

周威烈王二十四年

六年燕釐公元年 楚聲王

王崩太子驕嗣位是為安王

以史記本紀
皇極經世修

盜弑楚聲王國人立其子類實悼王

以史記世
家通鑑目

錄修

周安王驕元年

秦簡公十四年 魏文侯二
十四年 楚悼王類元年

秦伐魏至陽狐

以世家
年表修

周安王二年

秦簡公十五年 韓景侯九年 魏文侯二十
五年 趙烈侯九年 楚悼王二年 鄭繻公二

十三年

魏韓趙伐楚至桑丘

通鑑

鄭圍韓陽翟

年表

韓景侯薨子烈侯取立

以世
家修

趙烈侯薨國人立其弟武侯

通鑑

秦簡公薨子惠公立

通鑑

周安王三年

秦惠公元年 晉烈公二十一年 魏文侯二十六年 韓烈侯取元年 趙武侯元年 鄭繻

公二十
四年

王子定奔晉

年表

魏號山崩壅河

年表

楚歸榆關于鄭

年表

周安王四年

楚悼王四年鄭
繻公二十五年

楚伐鄭敗鄭師圍鄭鄭繻公殺其相駟子陽

以年表
世家修

鄭人列禦寇為李耳之學著書傳於世耳楚人為周守

藏室史與孔子同時楊朱亦師耳與宋人墨翟春秋

後各以其學行天下

以列子史
記孟子修

甲申周安王五年

韓烈侯
三年

日有食之

以年表修

盜殺韓相俠累

年表

周安王六年

宋悼公八年鄭繻公二十七年

鄭駟子陽之黨弑繻公而立其弟乙實康公

通鑑

宋悼公薨子休公田立

以世家修

周安王七年

秦惠公五年宋休公田元年鄭康公乙元年

秦伐繇諸

年表

周安王八年

韓烈侯六年齊康公十一年魯穆公十六年鄭康公二年

齊田和伐魯取最韓救魯

以年表世家修

鄭負黍叛復歸韓

通鑑

周安王九年

晉烈公二十七年魏文侯三十二年韓烈侯七年楚悼王九年鄭康公三年秦惠公

七年

魏伐鄭城酸棗

年表

楚伐韓取負黍

年表

晉烈公薨于孝公頃立

以世家通鑑目錄修

魏敗秦于注

世家

周安王十年

晉孝公
頃元年

周安王十一年

秦惠公九年韓烈侯九年魏文侯三十四年趙武侯九年齊康公十四年楚悼

王十
一年

秦伐韓宜陽取六邑

年表

齊田和徙其君康公于海上食一城

經世
極

魏韓趙

關

敗楚師于大梁榆關

以楚世家
經世修

楚與秦平

世家

周安王十二年

秦惠公十年晉孝公三年魏文侯三十五年齊康公十五年魯穆公二十年

秦與晉戰武城

年表

齊伐魏取襄陵

以世家皇極經世修

魯敗齊師于平陸

通鑑

周安王十三年

秦惠王十一年魏文侯三十六年齊康公十六年楚悼王十三年衛慎公二十

六年

秦侵魏陰晉

年表

齊田和會魏文侯楚人于濁澤求為諸侯

通鑑

周安王十四年

甲午周安王十五年

秦惠公十三年韓烈侯十三年魏大侯三十八年趙武侯十三年

秦伐蜀取南鄭

本紀

韓烈侯薨子武侯立

通鑑

魏武侯薨子武侯擊立

通鑑

趙武侯薨國人復立烈侯之子章實敬侯

通鑑

秦惠公薨子出公立

通鑑

周安王十六年

秦出公元年韓文侯元年魏武侯元年趙敬侯章元年齊康公十九年田齊

太公和元年楚悼王十六年

初命齊大夫田和為諸侯

通鑑

趙始都邯鄲

世家

趙公子朝作亂出奔魏與魏襲邯鄲不克

通鑑

魏武侯浮西河美山河之固吳起曰在德不在險

列傳

魏以田文為相文卒公叔代之吳起出奔楚楚悼王以

為相

以史記列傳
舉要歷修

周安王十七年

秦出公二年韓文侯二年魏武侯二年
趙敬侯二年田齊太公二年宋休公十

一年魯穆公二十五年
鄭康公十一年

秦庶長弑出公及其母迫靈公之子連于河西而立之

實獻公是時秦數有亂魏奪其河西地

以本紀呂氏春秋修

田齊伐魯破之

年表

魏城安邑

年表

趙敗田齊于靈丘

以世家修

韓伐鄭取陽城

年表

韓伐宋執宋公

通鑑

田齊太公薨子桓公午立

以世家修

周安王十八年

秦獻公元年魏武侯三年趙敬侯三年田齊桓公午元年

秦止從死

本紀

田齊伐魏趙救魏于廩邱田齊敗績

以世家修

周安王十九年

秦獻公二年魏武侯四年趙敬侯四年衛慎公三十二年

秦城櫟陽徙都之

以本紀修

魏敗趙人于兔臺

年表

趙築剛平以侵衛

世家

周安王二十年

魏武侯五年趙敬侯五年田齊桓公三年衛慎公三十三年

日有食之既晝晦

以年表
通鑑修

趙圍衛衛慎公乞師于魏魏與田齊伐趙以救衛取剛

平

以世家戰
國策修

周安王二十一年

楚悼王二十一年趙敬
侯六年魏武侯六年

楚悼王薨子肅王臧立宗室大臣攻吳起殺之

以列
傳修

趙人楚人伐魏取棘蒲

以世
家修

周安王二十二年

韓文侯七年魏武侯七年趙敬侯七
年田齊桓公五年楚肅王臧元年

康公十六年

鄭

韓魏趙伐田齊至桑丘

表年

鄭伐韓

以年表
世家修

周安王二十三年

魏武侯八年趙敬侯八年齊康公二十六年田齊桓公六年衛慎公三十

六年

趙襲衛不克

年表

齊康公薨于海上其所食一城入于田氏田氏遂滅齊

以年表
世家修

趙伐魏取黃城

以世
家修

齊桓公薨子威王因齊立

以世修家

周安王二十四年

秦獻公七年晉孝公十五年韓文侯九年魏武侯九年趙敬侯九年齊威

王因齊元年燕釐公二十五年

狄敗魏師于澮

通鑑

魏韓趙伐齊至靈丘

年表

齊伐燕趙救燕

世家

秦初為市

以秦紀修

晉孝公薨子靖公俱酒立

通鑑

甲辰周安王二十五年

晉靖公俱酒元年韓文侯十年趙敬侯十年楚肅王四年魯穆

公三十三年

蜀伐楚取茲方

楚為扞關以拒蜀

以世家修

魯穆公薨子共公奮立

通鑑

韓文侯薨子哀侯立

以世家修

趙與中山戰于房子

世家

周安王二十六年

晉靖公二年韓哀侯元年魏武侯十一年趙敬侯十一年魯共公奮元年

王崩太子喜嗣位是為烈王

以本紀皇
極經世修

魏韓趙共徙晉靖公食一城而分其地

以世
家修

趙伐中山戰于中人

世家

周烈王元年

秦獻公十年韓哀侯二年趙敬
侯十二年鄭康公二十一年

日有食之

年表

韓滅鄭自陽翟徙都之

舉要
凡

趙敬侯薨子成侯種立公子勝與成侯爭立為亂不克

以世
家修

秦初為戶籍相伍

以秦記修

周烈王二年

趙成侯
種元年

周烈王三年

魏武侯十四年趙成侯二年齊威王六年
燕釐公三十年宋休公二十三年魯共公

四年衛慎公

四十二年

六月趙雨雪

世家

燕敗齊師于林狐

通鑑

魯伐齊入陽關

年表

魏伐齊至博陵

通鑑

燕釐公薨于桓公立

通鑑

宋休公薨于桓公辟兵立

古史

衛慎公薨于聲公訓立

以世修家

周烈王四年

魏武侯十五年趙成侯三年燕桓公元年宋桓公元年衛聲公訓元年

趙以大戊午為相

以世修家

趙伐衛取鄉邑七十三

一世家

魏敗趙於北蘭

世家

周烈王五年

韓哀侯六年魏武侯十六年趙成侯四年楚肅王十年秦獻公十四年

魏伐楚取魯陽

通鑑

韓嚴遂弒哀侯國人立其子懿侯

通鑑

魏武侯薨不立太子公子瑩與公中緩爭立國內亂

以摯

古錄通鑑修

趙與秦戰高安秦師敗績

以世家修

周烈王六年

韓懿侯元年魏惠王薨元年趙成侯五年齊威王九年楚肅王十一年宋桓公三年

晉靖公八年
衛侯公三年

趙伐齊取甄衛伐齊取薛陵

以世家修

齊威王封即墨大夫烹阿大夫始以齊強天下

以世家
年表修

齊威王來朝

以年
表修

韓分鄭地長子與趙

以世
家修

楚肅王薨無子立其弟宣王良夫

以通
鑑修

韓懿侯趙成侯伐魏與魏瑩戰于濁澤魏師敗績遂圍

魏韓趙不和解去瑩之位始定

以魏世家
通鑑修

宋桓公薨子剔成立

古史

魏趙韓滅晉徙靖公於屯留

以水經
注修

周烈王七年

秦獻公十六年韓懿侯二年魏惠王二年趙成侯六年楚宣王良夫元年宋公剔成

元年

日有食之

通鑑

秦大疫

年表

魏敗韓于馬陵

魏世家

中山築長城

趙世家

魏敗趙于懷

魏世家

王崩弟扁嗣位是為顯王

以皇極經世修

秦挑冬花

本紀

周顯王元年

秦獻公十七年魏惠王三年趙成侯七年齊威王十一年韓懿侯三年

秦雨金櫟陽

以年表修

齊伐魏取觀津

通鑑

趙人歸齊長城

齊世家

趙與韓來攻

以趙世家修

韓城邢邱

以水經注修

甲寅周顯王二年

韓懿侯四年趙成侯八年

趙與韓分周為二

以趙世家皇
極經世修

河水亦于龍門三日

以水經
注修

周顯王三年

秦獻公十九年魏惠王五年韓懿侯
五年趙成侯九年齊威王十三年

魏侯與韓懿侯會于宅陽遂伐秦城武堵秦敗之於洛

陰

以魏世家皇
極經世修

趙與齊會阿下

以世
家修

魏公子景貫伐韓與韓將韓明戰于陽魏師敗走

以水
經注

修

周顯王四年

魏惠王六年韓成侯十年
宋公五年衛聲公八年

魏伐宋取儀臺

以世家修

趙攻衛取甄

世家

周顯王五年

秦獻公二十一年韓懿侯七年
魏惠王七年趙成侯十一年

秦章蟜伐魏趙與韓救之戰于石門秦敗魏趙韓斬首

六萬王以黼黻賀秦

以本紀年表
趙世家修

周顯王六年

秦獻公二十二年魏惠
王八年趙成侯十二年

秦攻魏少梁趙救之

趙世家

魏伐趙取列人及肥

以水經注修

周顯王七年

秦獻公二十三年韓懿侯九年魏惠王九年趙成侯十三年燕桓公十一年衛聲公

十一年

魏公孫痤敗韓師趙師于澮獲其將樂祚

以年表通鑑古史修

韓大雨三月

年表

秦庶長國伐魏與魏戰于少梁魏師敗績獲其將公孫

痤

以世家通鑑古史修

趙成侯與韓懿侯遇于上黨

以趙世家年表修

衛聲公薨于成侯速立

以世家修

燕桓公薨于文公立

通鑑

秦獻公薨于孝公立

通鑑

魏與趙戰于榆次陽邑

以水經注修

魏侯會韓懿侯于巫沙

以水經注修

大事記卷二

欽定四庫全書

大事記卷三

宋 呂祖謙 撰

周顯王八年

秦孝公元年韓懿侯十年魏惠王十年趙成侯十四年燕文公元年衛成侯速元年

彗星見西方

年表

魏相公孫痤卒

以商君傳修

趙與韓攻秦

以趙世家修

魏伐韓取皮牢

以魏世家修

秦孝公下令求能出奇計強秦者衛人公孫鞅自魏入

秦因景監求見

以本紀通鑑修

秦伐魏圍陝城

以本紀修

秦伐戎斬獮王

以本紀修

周顯王九年

秦孝公二年魏惠王十一年趙成侯十五年齊威王十九年

致文武胙於秦

以本紀皇極經世修

魏與趙伐齊

以趙世家修

周顯王十年

秦孝公三年韓懿侯十二年魏惠王十二年楚宣王十一年

星晝墜于魏有聲

以年表世家修

秦用公孫鞅變法修刑勸耕戰

以本紀修

秦置法官

以商子修

韓懿侯薨子昭侯立

通鑑

魏龍賈帥師築長城于西邊

以水經注修

楚伐魏決白馬之口以水長垣之外

以水經注修

周顯王十一年

秦孝公四年韓昭侯元年魏惠王十二年趙成侯十七年齊威王二十一年

秦敗韓師于西山

通鑑

趙成侯與魏侯遇于葛孽

以趙世家修

齊以鄒忌為相

以年表
世家修

秦太子犯法衛公孫鞅刑其師傅

以列傳修

魏侯及韓昭侯盟于巫沙

以水經
注修

韓使許息以枳道易鹿於魏

以水經
注修

甲子周顯王十二年

魏惠王十四年韓昭侯二年趙成侯十八年齊威王二十二年楚宣

王十三年秦孝公
五年宋公十三年

魏侯趙成侯會于鄆

以年表
世家修

宋取韓黃池

以年表
世家修

魏取韓朱

以年表
世家修

趙成侯朝齊

以年表
修

齊封鄒忌為成侯

以年表
世家修

楚尹黑迎女于秦

以年表
修

周顯王十三年

秦孝公六年魏惠王十五年韓昭侯三年趙成侯十九年齊威王二十三年燕

大公六年宋公十四年魯共
公二十一年衛成侯六年

韓昭侯宋公魯共公衛成侯朝魏

以年表
世家修

趙成侯燕文公會于阿

以世家
通鑑修

齊威王趙成侯宋公會于平陸

以年表世家修

秦以公孫鞅為左庶長

以本紀修

周顯王十四年

秦孝公七年魏惠王十六年趙成侯二十年齊威王二十四年楚宣王十五年

宋公十五年魯共公二十二年衛成侯七年

齊侯魏侯會田于郊

以年表世家修

趙作檀臺

以世家修

秦孝公魏侯會于杜平

以世家修

魏侵宋黃池宋復取之

以世家修

魯共公卒于康公屯立

以世家修

楚以昭奚恤為相

以戰國策修

趙伐衛取漆城之

以水經注修

周顯王十五年

秦孝公八年魏惠王十七年趙成侯二十一年齊威王二十五年楚宣王十六

年宋公十六年魯康公屯元年衛成侯八年

秦敗魏師于元里取少梁

通鑑

魏伐趙圍邯鄲趙求救於齊楚

以戰國策稽古錄修

齊田忌衛公孫倉圍魏襄陵以救趙

以世家戰國策水經注修

楚景舍帥師救趙

以世家戰國策修

宋伐趙圍一城

以戰國策古史修

周顯王十六年

秦孝公九年魏惠王十八年韓昭侯六年趙成侯二十二年齊威王二十六年

魯康公二年衛成侯九年

魏拔趙邯鄲服十二諸侯遂稱王

以戰國策修

齊田忌與魏戰於桂陵魏師大敗

以世家修

齊亦稱王

以世家皇極經世修

楚景舍取魏睢濊之間

以戰國策修

韓伐東周取陵觀邢邱

以世家修

周顯王十七年

秦孝公十年魏惠王十九年

秦大良造公孫鞅伐魏

通鑑

諸侯圍魏襄陵

以世家修

魏築長城塞固陽

以年表世家修

周顯王十八年

秦孝公十一年魏惠王二十年韓昭侯八年趙成侯二十四年

秦城商塞

年表

秦公孫鞅圍魏固陽降之

以年表修

韓以申不害為相內修法制外應諸侯韓由是興

以通鑑稽

古錄修

魏歸趙邯鄲趙與魏盟漳水上

以年表修

周顯王十九年

秦孝公十二年魏惠王二十一年趙成侯二十五年

秦徙都咸陽

以本紀修

秦壞井田開阡陌

以本紀前漢食貨志修

秦弛虞衡之禁

以前漢食貨志修

秦令民父子兄弟同室內息者為禁

以列傳修

秦聚小都鄉邑為三十一縣置令丞

以列傳修

秦孝公魏惠王闕

遇於彤

以世家年表修

趙成侯薨公子緡與太子爭立緡敗奔韓太子遂立實

肅侯

以世家修

周顯王二十年

秦孝公十三年趙肅侯元年

秦初置有秩史

以年表修

周顯王二十一年

秦孝公十四年魏惠王二十三年韓昭侯十一年趙肅侯二年

秦初為賦

以本紀年表修

秦平斗桶擁衡丈尺行之

以商君傳修

趙肅侯與魏王遇于陰晉

以世家修

韓昭侯朝秦

以年表世家修

甲戌周顯王二十二年

趙肅侯三年

趙公子范襲邯鄲不勝而死

世家

周顯王二十三年

趙肅侯四年魯康公九年衛成侯十六年

趙肅侯來朝

以世家修

魯康公薨于景公偃立

以世家通鑑修

衛更貶號曰侯

世家

周顯王二十四年

魯景公
偃元年

周顯王二十五年

秦孝公十八年趙肅侯
六年齊威王三十五年

秦會諸侯于京師

以本紀
通鑑修

趙攻齊拔高唐

以世
家修

齊田忌攻鄒忌不勝出奔

以世
家修

周顯王二十六年

秦孝公十九年魏惠王二十八年
趙肅侯七年齊威王三十六年

王致伯于秦

通鑑

魏以中山君為相

以世家修

趙攻魏首垣

以世家修

齊威王薨子宣王辟疆立

以世家修

周顯王二十七年

秦孝公二十年齊宣王辟疆元年

諸侯西賀秦

以年表皇極經世修

秦孝公使公子少官帥師會諸侯於逢澤以朝王

以紀年本

表修

周顯王二十八年

魏惠王三十年韓昭侯十八年齊宣王二年

魏龐涓伐韓齊田忌孫臏伐魏以救韓魏大發兵使太

子申將與龐涓合軍拒之戰於馬陵魏師大敗殺太

子申龐涓

以世家
列傳修

魏城濟陽

以水經
注修

周顯王二十九年

秦孝公二十二年魏惠王三十一年
趙肅侯十年楚宣王三十年齊宣王

三
年

秦公孫鞅會齊趙共伐魏鞅襲虜魏將公子卬大破其

軍魏獻河西之地於秦以和

以年末魏世
家通鑑修

魏徙都大梁

以世
家修

秦封公孫鞅為列侯食商於十五里號商君

以本紀
通鑑修

楚滅郢

以水經
注修

楚宣王薨于威王熊商立

以世
家修

周顯王三十年

楚威王熊
商元年

楚聘莊周為相不就周學出李耳著書十餘萬言

以列
傳修

周顯王三十一年

秦孝公二十四年
魏惠王三十三年

秦與魏戰于岸門

以本紀年
表家隱修

秦孝公薨子惠王立

以通鑑
年表修

大荔圍秦合陽

以年
表修

秦公孫鞅出奔魏魏人不納復入商於以叛秦克之於

澠池車裂鞅滅其族

以列傳戰
國策修

蘇秦說秦連橫不受

以列傳皇
極經世修

甲申周顯王三十二年

秦惠王元年韓昭侯二十二年
趙肅侯十三年楚威王三年

楚威王韓昭侯趙肅侯蜀人朝秦

以本紀
年表修

韓申不害卒

年
表

周顯王三十三年

秦惠王二十二年魏惠王三十五年齊宣王七年宋公三十四年

天子使人賀秦

以本紀年表修

秦初行錢

以年表秦記修

孟軻見魏惠王王問利國對曰王何必曰利亦有仁義

而已矣

以年表孟子修

齊宣王與魏惠王韓昭侯會平阿南

以世家列傳修

秦興師求九鼎齊使陳臣思帥師求救而秦兵罷

以戰國策

修

宋太丘社亡

以年表修

周顯王三十四年

秦惠王三年魏惠王三十六年韓昭侯二十四年趙肅侯十五年齊宣王

年八

秦君冠

以本紀修

秦拔韓宜陽尋復歸於韓

以年表修

趙起壽陵

以世家修

齊宣王與魏惠王會于甄

以世家修

周顯王三十五年

秦惠王四年魏惠王後元年韓昭侯二十五年趙肅侯十六年齊宣王九

年楚威王六年燕
文公二十八年

致文武胙於秦

以本紀修

齊宣王魏惠王與諸侯會于徐州以相王

以年表修

韓旱作高門

以年表世家修

蘇秦說燕與趙合從燕文公納之趙

以年表列傳修

越王無疆伐楚楚威王大敗越師殺王無疆盡取故吳

地至浙江越自此散微

以世家修

周顯王三十六年

秦惠王五年魏惠王後二年韓昭侯二十六年趙肅侯十七年齊宣王十

年楚威王七年燕文公二十九年衛成侯二十九年

楚威王伐齊大敗申縛於泗上遂圍徐州趙燕皆侵齊

齊請和於諸侯乃罷兵

以年表戰國策修

韓昭侯薨于宣惠王立

以世家修

齊敗燕於權

以戰國策修

蘇秦說趙肅侯以六國合從肅侯使蘇秦約韓魏齊楚

皆聽命蘇秦并相六國為從約長

以列傳稽古錄修

秦使公孫衍伐魏禽魏將龍賈取雕陰

以世家修

秦以張儀為客卿

以列傳修

秦以公孫衍為大良造

以年表修

燕文公薨子易王立

通鑑

衛成侯薨子平侯立

通鑑

周顯王三十七年

秦惠王六年魏惠王後三年韓宣惠王元年趙肅侯十八年齊宣王十一

年燕易王元年

衛平侯元年

秦使公孫衍激齊魏伐趙趙決河水灌之齊魏之師乃

去從約遂解

以世家通鑑列傳修

魏以陰晉與秦

以本紀
年表修

齊伐燕取十城已而復歸之

以世
家修

周顯王三十八年

秦惠王
七年

義渠內亂秦庶長操將兵定之

年
表

周顯王三十九年

秦惠王八年
魏惠王後五年

秦伐魏圍焦曲沃

以年表
世家修

魏以少梁與秦

以年
表修

周顯王四十年

秦惠王九年
魏惠王後六年
楚威王十一年
宋公四十二年

秦伐魏渡河取汾陰皮氏拔焦

通鑑

楚莊躋定黔中以西自王于滇

以西南夷傳修

楚威王薨子懷王熊槐立

以世家修

魏伐楚取陘山

以世家修

宋公剔成為弟偃所攻出奔齊偃自立

以世家修

周顯王四十一年

秦惠王十年魏惠王後七年趙肅侯二十二年楚懷王熊槐元年宋王偃

元年

秦敗趙師于河西殺其將趙疵取離石

以世家修

秦公子華張儀帥師圍魏蒲陽取之

通鑑

秦以蒲陽歸魏入使公子繇為質

通鑑

魏納上郡十五縣于秦

以本紀年表修

秦以張儀為相

以本紀年表修

秦陳軫奔楚

以列傳修

甲午周顯王四十二年

秦惠王十一年魏惠王後八年

秦縣義渠以其君為臣

通鑑

秦歸焦曲沃於魏

通鑑

周顯王四十三年

秦惠王十二年魏惠王後九年趙肅侯二十四年齊宣王十七年楚懷王

三年燕易

王七年

秦初臘

本紀

趙肅侯薨子武靈王立

通鑑

秦楚燕齊魏各出銳師萬人會趙葵

以世家修

大事記卷三

欽定四庫全書

大事記卷四

宋 呂祖謙 撰

周顯王四十四年

秦惠王十三年魏惠王後十年韓宣惠王八年趙武靈王元年衛平侯八

年

夏四月戊午秦初稱王

以周本紀通鑑修

趙武靈王加肥義秩

以趙世家修

韓韓舉趙趙護帥師與魏師戰韓趙敗績

以年表修

衛平侯薨子嗣君立

以世家修

周顯王四十五年

秦惠王後元九年齊宣王十九年燕易王九年衛嗣君元年

蘇秦自燕奔齊為閒

以稽古錄修

齊聚學士於稷下騶衍淳于髡田駢接子慎到環淵之

徒皆賜列第為上大夫

以世家修

秦張儀伐魏取陝

以年表列傳修

秦築上郡塞

以列傳修

周顯王四十六年

秦惠王後二年魏惠王後十二年韓宣惠王十年趙武靈王三年齊宣王

二十七年楚懷王六年燕易王十年

秦張儀與齊楚魏大臣會齧桑

以本紀楚世家修

韓燕中山皆稱王趙獨稱君其後亦稱王

以年表通鑑修

楚柱國昭陽伐魏敗魏師於襄陵取八邑復移兵伐齊

陳軫說之而還

以世家修

周顯王四十七年

秦惠王後三年魏惠王後十三年韓宣惠王十一年趙武靈王四年

韓魏太子朝秦

以本紀修

秦張儀免相相魏魏不事秦以公孫衍代儀相秦伐魏

取曲沃平周

以列傳年表修

韓宣惠王與趙武靈王會于區鼠以年表世家修

周顯王四十八年韓宣惠王十一年齊宣王二十二年趙武靈王五年燕易王十二年

王崩太子定嗣位是為慎靚王以皇極經世修

齊封田嬰於薛號靖郭君以通鑑修

趙迎婦于韓以年表修

韓公仲公叔用事以戰國策通鑑修

燕易王薨于噲立通鑑

周慎靚王定元年泰惠王後五年齊宣王二十年燕王噲元年衛嗣君五年

衛更貶號曰君獨有濮陽

以世家修

齊迎婦于秦

以年表修

秦惠王遊北河

以本紀修

周慎靚王二年

秦惠王後六年魏惠王後十六年韓宣惠王十四年趙武靈王七年齊宣王二

十三年楚懷王十年

秦伐韓取鄢

以年表修

楚城廣陵

年表

魏惠王會諸侯于白里將復尊天子不克

以韓非子戰國策修

魏惠王薨子襄王立

通鑑

卷四

魏襄王問孟子天下惡乎定曰定于一孰能一之曰不

嗜殺人者能一之

以孟子通鑑修

周慎靚王三年

秦惠王後七年魏襄王元年韓宣惠王十五年趙武靈王八年楚懷王十一年

齊宣王二十五年燕王三年宋王十一年

蘇秦約楚齊趙韓魏燕及匈奴伐秦楚懷王為從長攻

函谷關秦出兵擊六國皆敗走

以楚世家秦本紀通鑑修

義渠襲秦大敗秦人於李帛

以戰國策修

宋東敗齊取五城南敗楚取地三百里西敗魏遂稱王

以世
家修

秦伐魏

以列
傳修

甲辰周慎靚王四年

秦惠王後八年魏襄王二年韓宣惠王十六年趙武靈王九年齊宣

王二十六年魯
景公二十九年

齊敗魏趙于觀津

以年表
世家修

韓與趙魏伐秦秦使庶長馮里疾與戰修魚虜韓將申

差敗趙公子渴斬首八萬二千

以年表本紀世
家皇極經世修

齊大夫殺蘇秦

以列傳
通鑑修

魏因張儀請成于秦秦復以張儀為相

以列傳本
紀年表修

魯景公薨于平公旅立

以世
家修

周慎靚王五年

秦惠王後九年趙武靈王十年齊宣王
二十七年燕王五年魯平公旅元年

苴蜀相攻皆告急於秦秦使張儀司馬錯帥師取蜀貶

蜀王為侯使陳莊相之

以列傳
本紀修

秦伐趙取中都西陽

以本
紀修

齊以孟軻為卿

以孟
子修

蘇代與燕相子之為姻代說燕王噲以國讓子之王從

之

以稽古
錄修

周慎靚王六年

王崩太子延立是為赧王

以本紀
經世修

徙都西周

本紀

周赧王元年

秦惠王後十一年魏襄王五年韓宣惠王十九年趙武靈王十一年齊宣王二

十九年

秦侵義渠取二十五城

以年
表修

秦擣里疾伐魏取焦及曲沃又大破韓師及魏公孫衍

於岸門韓太子倉入質於秦以和

以本紀年表
世家通鑑修

燕亂將軍市被與太子平攻子之不克被反攻太子又

不克而死

以世家皇
極經世修

齊章子伐燕取之醢子之殺王噲

以世家
通鑑修

燕人逐齊師趙召公子職於韓以為燕王使樂池送之

不克

以通鑑年
表世家修

孟軻致為臣於齊而歸

通鑑
綱目

秦封公子通於蜀

以本紀修

齊宣王薨子湣王地立

以通鑑修

周赧王二年

秦惠王後十二年魏襄王六年趙武靈王十三年齊湣王元年楚懷王十六年宋王

十六年

孟軻自齊之宋自宋適滕勸滕文公修井法不果行

以孟

子修

秦惠王會魏襄王於臨晉立魏公子政為太子

以本紀年表修

秦庶長嫪里疾伐趙虜趙將莊豹拔蘭

以本紀列傳修

齊田嬰卒子文立實孟嘗君招諸侯游士及亡人有罪

者為食客凡數千人是後魏公子無忌趙公子勝楚

黃歇皆效之

以列傳修

楚屈原作離騷

以列傳修

楚懷王魏襄王如趙

以趙世家修

秦使張儀說楚絕齊親秦許賂以商於地儀歸背楚賂

楚使屈匄帥師伐秦

以列傳修

周赧王三年

秦惠王後十三年魏襄王十年韓宣惠王二十一年齊湣王三年楚懷王十七年

王十

七年

秦魏章擣里疾甘茂大破楚師于丹陽虜其將屈匄及裨將逢侯丑等七十餘人斬首八萬取漢中地六百

里置漢中郡

以本紀年表世家列傳修

楚懷王悉兵襲秦秦大敗之於藍田韓魏襲楚至鄧楚

乃引兵歸割二城以和于秦

以世家張儀傳稽古錄修

楚景翠圍韓雍氏

以韓世家注修

韓宣惠王薨子襄王倉立

以世家修

秦庶長擣里疾帥師救韓敗楚

以本紀韓世家注修

齊宋圍魏煮棗

以韓世家注修

秦擣里疾與魏伐齊虜其將聲子于濮遂伐燕

以本紀年表修

燕人共立太子平實昭王

以年表世家修

秦惠王魏襄王會于蒲坂

以水經注修

周赧王四年

秦惠王後十四年魏襄王八年韓襄王倉元年趙武靈王十五年齊湣王三年楚懷

王十八年燕昭王平元年衛嗣君十二年

燕昭王怨齊禮郭隗以招賢者

以皇極經世舉要脗修

秦伐楚取召陵

本紀

魏伐衛拔二城

以列傳修

蜀相壯殺蜀侯降秦秦以王子煇為蜀侯

以本紀索隱甘茂傳修

楚囚張儀既而赦之儀遂說楚韓齊趙燕連橫事秦

以通

鉅列傳修

秦惠王薨子武王立六國連橫之約皆解

以本紀列傳修

周赧王五年

秦武王元年魏襄王九年趙武靈王十六年

秦武王魏襄王會于臨晉

以本紀通鑑修

客卿謂秦武王曰張儀之貴不得議公孫郝則從臣不事大臣矣公孫郝之貴不得議甘茂則大臣不事近

臣矣

以戰國策修

秦蜀相壯反秦使甘茂定蜀誅壯

以本紀列傳修

秦出張儀魏章於魏

以本紀修

趙立吳娃為后生子何

以世家修

秦伐義渠丹犁

以本紀修

周赧王六年

秦武王二年魏襄王十年趙武靈王十七年

秦初置丞相以樗里疾為右丞相甘茂為左丞相

以本紀列

傳修

魏張儀卒

以世家修

趙築野臺

以世家修

周赧王七年

秦武王三年魏襄王十一年韓襄王四年

秦武王韓襄王會于臨晉

以本紀世家修

秦樗里疾免相相韓

以本紀修

秦武王魏襄王會于應

以世家修

秋秦丞相甘茂庶長封伐韓宜陽

以本紀
列傳修

秦渭水赤三日

秦紀

甲寅周赧王八年

秦武王四年魏襄王十二年韓襄王
五年趙武靈王十九年楚懷王二十

二年

正月趙武靈王大朝信宮召肥義與議天下五日而畢

以世
家修

楚景翠救韓

以周本紀
戰國策修

秦拔宜陽斬首六萬又取武遂城之韓使公孫侈入謝

於秦以請平

以本紀列傳通鑑修

秦逐公孫衍其後為魏所殺

以戰國策韓非子修

魏太子朝於秦

以世家修

八月秦武王舉鼎絕膂而薨無子異母弟稷立實昭王

以本紀年表世家修

秦立芊八子為太后聽政

以穰侯傳修

秦以魏冉為將軍衛咸陽

以穰侯傳修

趙初胡服

年表

周赧王九年

秦昭王稷元年魏襄王十一年韓襄王六年趙武靈王二十年齊湣王八年楚懷王

二十

三年

秦歸武遂於韓

以年表世家修

楚與齊韓合從

以世家通鑑修

秦甘茂擣里疾伐魏皮氏未拔甘茂棄軍奔齊擣里疾

與魏和罷兵

以年表列傳戰國策修

秦以擣里疾為丞相

以本紀修

趙武靈王畧中山地至寧葭西畧胡地至榆中使趙固

主胡致其兵

以世家修

周赧王十年

秦昭王二十二年魏襄王十三年趙武靈王二十一年楚懷王二十四年

彗星見

本紀

趙攻中山取丹邱與陽鴻之塞又取鄣石邑封龍東垣

中山獻四邑以和

以世家通鑑修

秦庶長壯及大臣諸公子作亂魏冉誅之遂殺惠文后

出悼武王后於魏

以本紀列傳通鑑修

楚倍齊而合秦

以世家修

秦迎婦於楚

以年表修

魏城皮氏

以水經注修

周赧王十一年

秦昭王三年楚懷王二十五年

秦昭王冠

以本紀修

秦昭王楚懷王盟於黃棘秦復與楚上庸

以世家修

周赧王十二年

秦昭王四年魏襄王十六年韓襄王九年趙武靈王二十三年齊湣王十一年

楚懷王二

十六年

彗星見

以本紀年表修

秦取魏蒲阪陽晉封陵

以世家
年表修

秦復取韓武遂

以世家
修

趙攻中山

以世家
修

齊韓魏伐楚楚使太子橫為質於秦而請救秦客卿通

將兵救楚三國引兵去

以世家
通鑑修

周赧王十三年

秦昭王五年魏襄王十七年韓
襄王十年楚懷王二十七年

魏襄王韓太子嬰朝秦秦昭王會之於臨晉以蒲阪歸

魏

以本紀
世家修

楚太子橫自秦亡歸

以世
家修

周赧王十四年

秦昭王六年魏襄王十八年韓襄王十一年趙武靈王二十五年齊湣王十三

年楚懷王

二十八年

秦蜀郡守煇反司馬錯定蜀誅之

以本紀
年表修

秦伐韓取穰

以世
家修

秦庶長奐與齊韓魏共攻楚敗楚於重邱殺楚將唐昧

斬首二萬

以本紀
世家修

趙惠后薨使周昭胡服傅王子何

以世
家修

秦涇陽君為質於齊

以本紀修

日有食之

以本紀修

秦晝晦

以本紀修

秦蜀郡守李冰鑿離堆避沫水之害穿二江成都中

以前

漢志修

魏史起引漳水溉鄴

以前漢志修

周赧王十五年

秦昭王七年魏襄王十九年韓襄王十二年趙武靈王二十六年齊湣王十四

年楚懷王二十九年燕昭王十一年

秦穽里疾卒以樓緩為相趙使仇液之秦請以魏冉為

秦相秦免緩而相冉

以年表
列傳修

東周與西周戰韓救西周

本紀

韓太子嬰卒楚圍韓雍氏將納公子蟊虱為韓太子楚

師敗蟊虱不得歸韓

以世家
及注修

韓徵甲與粟於東周

以本紀修

秦華陽君伐楚斬首三萬殺其將景缺取襄城

以通鑑
年表世

家修

楚太子橫質於齊

以世家修

齊王魏王如韓

以韓世家修

趙攻中山林胡樓煩掾地北至燕代西至雲中九原置

雲中鴈門代郡

以世家前漢匈奴傳修

燕將秦開襲破東胡東胡卻千餘里置上谷漁陽右北

平遼西遼東郡

以前漢匈奴傳修

周赧王十六年

秦昭王八年魏襄王二十年趙武靈王二十七年韓哀王十三年齊湣王十五

年楚懷王

三十年

秦將軍羊戎攻楚取新市齊章子魏公孫喜韓暴鳶助

秦攻楚虜唐昧取八城

以本紀年表修

五月戊申趙武靈王傳國於少子何實惠文王以肥義

為相國并傅王武靈王自號主父

以世家修

魏襄王與齊湣王會于韓立公子咎為韓太子

以年表世家修

秦昭王誘楚懷王會武關至則執之楚大臣共立太子

橫為王實頃襄王

以世家修

秦以田文為相

以齊世家年表修

周赧王十七年

秦昭王九年魏襄王二十一年韓襄王十四年趙惠文王何元年齊湣王十六

年楚頃襄王橫元年

秦以樓緩代田文為丞相因文欲殺之文亡歸齊齊以

文為相

以通鑑年表列傳修

齊韓魏伐秦敗秦軍於函谷關河渭絕一日秦使公子

池割河東三城以講於三國三國之兵乃退

以年表世家戰

國策修

趙封公子勝為平原君

以年表修

秦伐楚大破楚軍斬首五萬取十六城

以世家年表修

甲子周赧王十八年

秦昭王十年趙惠文王二十年楚頃襄王二年魯平公二十年

楚懷王自秦走趙趙人不受秦追及之以歸

以世家通鑑修

魯平公薨子湣公賈立

以通鑑修

大事記卷四